



Nr. 1136/1 Prot

Pogradec më 06/11 / 2015

Lënda: Dërgim dokumentacioni.

Qendra "Res Publica",
Bulevardi "Gjergj Fishta", Nd. 24, H.3, Ap. 44, kati 9, Tiranë.

Të nderuar zotërinj, në përgjigje të kërkesës suaj Nr. 166/15 Prot, datë.08.10.2015 ju sqarojmë se:

Lidhur me kërkesën tuaj (**pika 1**) nuk disponojmë plan të menaxhimit të integruar të mbetjeve në Bashkinë e Pogradecit. Nga sa jemi të informuar asnjë bashki nuk ka arritur të përgatisë dhe miratojë ndonjë të tillë. Ne disponojmë "*Rregulloren Bashkiake për Administrimin e Mbeturinave në qytetin Pogradec*" të miratuar edhe në Këshillin Bashkiak.

Lidhur me kërkesën tuaj (**pika 2**) nuk disponojmë kopje të vlerësimit strategjik mjedisor, apo të studimeve gjeomjedisore, raport të ndikimit në mjedis të aktiviteteve të menaxhimit të integruar të mbetjeve në territorin e bashkisë sonë. Bashkia Pogradec ka miratuar "*Planin Lokal të Veprimit në Mjedis, Bashkia Pogradec*" të cilin mund te gjeni online " në adresën:

http://archive.rec.org/albania/Projects/LEAPs/LEAP_Pogradec.pdf

Lidhur me kërkesën tuaj (**pika 3**) sqarojmë se i vetmi vend ku depozitohen mbeturinat e qytetit Pogradec është vendi i quajtur " Prroi i Shtogut " në Njësinë Administrative Buçimas. Për arsye orientimi është adresuar pranë ish minierës së Alarupit.

Në këtë vend depozitohen të gjitha mbetjet e ngurta dhe mbetjet inerte të qytetit Pogradec. Lidhur me vendndodhjen e saktë të saj ju informojmë se mund të aksesohet publikisht në domain përkatës:<http://mbetjet.zhvillimiurban.gov.al/> Harta dixhitale e mbetjeve është një hartë interaktive me shumë informacione të vlefshme të vendndodhjes, afërsisë me burimet natyore dhe qendrat e banuara, foto të gjendjes, planimetri të fushës, etj. Aty janë pasqyruar 89 venddepozitime josanitare dhe 3 venddepozitime sanitare.

Në të njëjtën kohë, harta do t'i shërbejë institucioneve qendrore për mbledhjen e bazës informative gjatë përditësimit të dokumenteve strategjike dhe zhvillimit. të politikave të reja mjedisore; për orientimin në caktimin e vendndodhjes së projekteve infrastrukturore në nivel kombëtar e rajonal si edhe për orientimin e donatorëve dhe zhvilluesve të tjerë, për të investuar në këtë fushë. Informacioni që ajo përmban, është i aksesueshëm online dhe është siguruar nëpërmjet komunikimit zyrtar midis MZHU-së dhe Njërive të Qeverisjes Vendore.

Lidhur me kërkesën tuaj (**pika 4**) ju informojmë se i vetmi subjekt i kontraktuar nga Bashkia Pogradec, për mbledhjen dhe depozitimin e mbetjeve është kompania “ Rej ” sh.p.k, e cila ka një kontratë 5 (pesë) vjeçare të lidhur me Bashkinë Pogradec prej datës 16.01.2015.

Lidhur me kërkesën tuaj (**pika 5**) ju informojmë bashkëngjitur do të gjeni edhe kopje të kontratës së lidhur midis palëve Bashkia Pogradec “ Rej ” sh.p.k, për mbledhjen dhe depozitimin e mbetjeve të qytetit Pogradec.

Lidhur me kërkesën tuaj (**pika 6**) ju informojmë se bashkëngjitur do të gjeni edhe kopje të grafikut të shërbimeve që duhet të ofrojë kontraktori sipas kontratës. Ky grafik është një përmbledhje tabelare e Lidhjes A dhe Lidhjes B, të cilat janë pjesë e kontratës së lidhur.

Lidhur me kërkesën tuaj (**pika 7**) ju informojmë se Bashkia ka emëruar një Supervizor, me një përvojë 6 (gjashtë) vjeçare në fushën e shërbimit të pastrimit të qyteteve, për mbikqyrjen e shërbimeve të Kontraktorit të sipërpërmendur.

Lidhur me kërkesën tuaj (**pika 8**) ju informojmë se bashkëngjitur do të gjeni kopje të raportimeve dhe proces-verbaleve të mbajtura.

1. Proces-verbale zbritje(fleta 1-10) gjithsej 10 fletë.
2. Proces-verbale të mirembajtjes së dy lumenjve(fleta 11-19) gjithsej 9 fletë.
3. Proces-verbale të lagies së rrugëve(fleta 20- 25) gjithsej 5 fletë.
4. Proces-verbale të largimit të mbeturinave inerte(fleta 26-34) gjithsej 9 fletë.
5. Tabela e ndalesave dhe llogaritja e tyre(fleta 35-47) gjithsej 13 fletë.
6. Proces-verbale pastrim dëbore dhe hedhje kripe në rrugë (fleta 48-53) gjithsej 6 fletë.
7. Proces-verbale shtyrje mbeturina në venddepozitim .(fleta 54-61) gjithsej 8 fletë.
8. Proces-verbale të plugimit dhe lesimit të sipërfaqes ranore (fleta 62- 63) gjithsej 2 fletë.
9. Proces-verbale të dizinfektimit të konteinerëve(fleta 64-69) gjithsej 6 fletë.
- 10.Raporte mujore të supervizorit(fleta 70- 87) gjithsej 18 fletë.
- 11.Rregullore Bashkiake për Administrimin e Mbeturinave në qytetin Pogradec(fleta 88-126) gjithsej 39 fletë.
- 12.Proces-verbale ditore të muajit Shtator 2015(fleta 127- 156) gjithsej 30 fletë.
- 13.Kontratë, datë 16.01.2015(fleta 157-174) gjithsej 18 fletë.
- 14.Situacione të muajve Janar, Shkurt, Mars, Prill, Maj, Qershor, Korrik, Gusht, (**sqarim** (situacioni i muajit Shtator është futur për t'u firmosur)(fleta 175-184) gjithsej 10 fletë.
- 15.Proces-verbale kontrolli i fshehtë i supervizorit ..(fleta 185-201) gjithsej 17 fletë.
- 16.Fotografi, fragmente pune nga shtyrja e mbeturinave në vendin e depozitimit(fleta 202-209) gjithsej 8 fletë.
- 17.Grafiku i shërbimeve të pastrimit të qytetit(fleta 210) gjithsej 1 fletë.
- 18.Lidhja A dhe lidhja B e kontratës së pastrimit(fleta 211-237) gjithsej 27



19. Fotografi, fragmente pune pastrim dëbore, hedhje kripe ne rruge (fleta 238-241) gjithsej 4 fletë.
20. Fotografi, fragmente pune dizinfektim konteinerësh(fleta 242-247) gjithsej 6 fletë.
21. Fotografi, fragmente pune ngarkim, transport mbeturina inerte (fleta) gjithsej 19 fletë.
22. Fotografi, fragmente pune lagia e rrugëve..... (fleta 249-254) gjithsej 4 fletë.
23. Fotografi, fragmente pune pastrim dhe mirëmbajtje e dy lumenjve(fleta 255-258) gjithsej 4 fletë.
24. Fotografi, fragmente pune pastrimi i plazhit, largimi i mbeturinave të tij (fleta 259-266) gjithsej 8 fletë.
25. Fotografi, fragmente pune plugim dhe lesim sipërfaqe ranore në plazh (fleta 267-268) gjithsej 2 fletë.
26. Fletë udhëtimi të makinave teknologjike(fleta 269-294) gjithsej 26 fletë.
27. Lejë mjedisore(fleta 295-297) gjithsej 3 fletë.
28. Fotografi, ngarkim dhe transport mbeturina inerte(fleta 298-316) gjithsej 19 fletë.

Duke shpresuar tek serioziteti i Qendrës Res Publica në përdorimin e këtyre dokumentave dhe duke ju falenderuar për mirëkuptimin.



Eduart KAPRI
KRYETAR